

Қазақстан Республикасының Мемлекеттік кіріс министрлігі мен Тәжікстан Республикасы Үкіметінің жанындағы Кеден комитетінің арасындағы Контрабандаға және кеден ережелерін бұзушылықтарға, сондай-ақ қару-жарақтың, оқ-дәрілердің, жарылғыш заттардың, есірткі құралдарының, психотроптық заттар мен прекурсорлардың заңсыз айналымына қарсы күрестегі ынтымақтастық туралы келісімді бекіту туралы

Қазақстан Республикасы Үкіметінің қаулысы 2000 жылғы 28 қараша N 1765

Қазақстан Республикасының Үкіметі қаулы етеді:

1. 2000 жылғы 13 маусымда Душанбе қаласында жасалған Қазақстан Республикасының Мемлекеттік кіріс министрлігі мен Тәжікстан Республикасы Үкіметінің жанындағы Кеден комитетінің арасындағы Контрабандаға және кеден ережелерін бұзушылықтарға, сондай-ақ қару-жарақтың, оқ-дәрілердің, жарылғыш заттардың, есірткі құралдарының, психотроптық заттар мен прекурсорлардың заңсыз айналымына қарсы күрестегі ынтымақтастық туралы келісім бекітілсін.

2. Осы қаулы қол қойылған күнінен бастап күшіне енеді.

Қ а з а қ с т а н Р е с п у б л и к а с ы н ы ң

Премьер-Министрі

Қазақстан Республикасының Мемлекеттік кіріс министрлігі мен Тәжікстан Республикасы Үкіметі жанындағы Кеден комитетінің арасындағы контрабанда және кеден ережелерін бұзушылықтарға, сондай-ақ қару-жарақтың, оқ-дәрілердің, жарылғыш заттардың, есірткі құралдарының, психотроптық заттар мен прекурсорлардың заңсыз айналымына қарсы күрестегі ынтымақтастық туралы

Келісім

(2000 жылғы 27 желтоқсанда күшіне енді - СИМ-нің ресми сайты)

Бұдан әрі Тараптар деп аталатын Қазақстан Республикасының Мемлекеттік кіріс министрлігі мен Тәжікстан Республикасы Үкіметінің жанындағы Кеден комитеті, қару-жарақ, оқ-дәрілер, жарылғыш заттар, есірткі құралдары, психотроптық заттар мен прекурсорлар контрабандасын болдырмау, тергеу және жолын кесу жөніндегі іс-әрекеттерді жеделдету мақсатында, осы саладағы ынтымақтастықты дамытуға ұмтыла отырып, мына төмендегілер туралы келісті:

1-бап

Қазақстан Республикасы Мемлекеттік кіріс министрлігінің атынан осы Келісімнің ережелерін жүзеге асыру жөніндегі құзыретті орган Қазақстан Республикасы Мемлекеттік кіріс министрлігінің Кеден комитеті болып табылады.

Тәжік Тарапынан осы Келісімнің ережелерін іске асыру жөніндегі уәкілетті орган Тәжікстан Республикасы Үкіметінің жанындағы Кеден комитеті болып табылады.

Жоғарыда аталған уәкілетті органдардың атаулары немесе функциялары өзгерген кезде Тараптар дипломатиялық арналар бойынша уақтылы хабарланатын болады.

2-бап

Тараптар, тең құқылық және өзара сыйластық принциптерін басшылыққа ала отырып, Тараптар мемлекеттерінің ұлттық заңдарына сәйкес және осы Келісім шеңберінде контрабанда мен кеден ережелерін бұзушылықтың, сондай-ақ қару-жарақтың, оқ-дәрілердің, жарылғыш заттардың, есірткі құралдарының, психотроптық заттардың заңсыз айналымын болдырмау, тергеу және жолын кесу мақсатында ынтымақтасатын болады.

3-бап

Тараптар жүк және жолаушылар қатынастарындағы және почталық айырбастағы кедендік бақылауды жеделдетуге, сондай-ақ көлік құралдарының, жүктің, жолжүгінің, почталық жөнелтімдердің, валютаның, басқа төлем құралдарының және валюталық құндылықтардың заңсыз әкелінуін, әкетілуін және транзитін ескертуге, Тараптар мемлекеттерінің экономикалық және басқа мүдделеріне келетін нұқсанды болдырмауға бағытталған барлық қажетті шараларды қабылдайды.

4-бап

Тараптар осы Келісімнің негізінде, өз құзыреттерінің шегінде және ұлттық заңдардың сақтай отырып:

- а) қолданылып жүрген кеден заңдары туралы ақпаратпен;
- б) контрабандаға және кеден ережелерін бұзушылықтарға қарсы күрес, қару-жарақтың, оқ-дәрілердің, жарылғыш заттардың, есірткі құралдарының, психотроптық заттардың және прекурсорлардың контрабандасы мен заңсыз саудасын болдырмау, тергеу және жолын кесу жөніндегі іс-әрекеттерін жандандыру әдістері туралы ақпаратпен;
- в) бақылаудың техникалық құралдарын қолданудың, кинология қызметтері жұмысының тәжірибесімен;

- г) қару-жарақ пен есірткі құралдарының заңсыз айналымына қарсы күрес әдістерін үйрету мақсатында мамандармен;
- д) қару-жарақ пен есірткі құралдарының контрабандасына және заңсыз айналымына қарсы күрес мәселелері жөніндегі ғылыми жарияланымдар мен оқу құралдарымен;
- е) есірткі құралдары, психотроптық заттар мен прекурсорлардың жаңа түрлері мен өндіру орындары, оларды заңсыз тасымалдау бағыттары және оларды жасыру әдістері туралы ақпаратпен;
- ж) есірткі құралдары, психотроптық заттар мен прекурсорларды сәйкестендіру және зертханалық анализ саласындағы ақпаратпен;
- з) түрлі елдер мен аймақтардағы қару-жарақ пен есірткі құралдарына бағалардың өзгеруі туралы ақпаратпен;
- и) есірткі құралдарының синтезі үшін қолданылатын бастапқы химикаттар туралы ақпаратпен;
- к) қару-жарактың, оқ-дәрілердің және жарылғыш заттардың заңсыз тасымалдану бағыттары мен жасыру тәсілдері туралы ақпаратпен алмасады.

5-бап

Тараптардың әрқайсысының бастамасымен немесе келесі Тараптың сұрау салуы бойынша:

- а) қару-жарактың, есірткі құралдарының, психотроптық заттардың және прекурсорлардың контрабандасымен немесе заңсыз саудасымен айналысатын немесе оған күдікті тұлғалар туралы;
- б) контрабанданы тасымалдау үшін қолданылатын көлік құралдары, жүктер мен почталық жөнелтімдер туралы;
- в) бір Тарап аумағынан келесі Тарап аумағына есірткі құралдарының контрабандасы мен заңсыз тасымалдау заттарын анықтау фактілері туралы жедел деректер береді.

6-бап

Ауызша, сондай-ақ жазбаша түрде Тараптармен берілетін ақпарат құпия болып саналады және тек осы Келісімді орындау мақсаттарында ғана қолданылады.

Тараптар осы Келісімге сәйкес алынған мәліметтерді, егер олардың таралуы келесі Тарап мүдделеріне немесе тараптардың бірлескен іс-әрекеттері мемлекетінің мүдделеріне нұқсан келтіретін болса келесі Тараптың келісімінсіз басқа ведомстволарға және бұқаралық ақпарат құралдарына бермейді.

7-бап

Егер Тараптардың біреуінің келесі Тарапқа бағытталған сұрау салуы (осы Келісімнің 3 және 4 тармақтарына сәйкес) келесі Тарап мемлекетінің егемендігіне және ұлттық қауіпсіздігіне зиян келтіретін болса, негіздемелер мен уәждерін көрсетумен өтініш қайтарылады.

8-бап

Ынтымақтастық сұрау салулар нысанында жүзеге асырылады. Ынтымақтастық мәселелері жөніндегі сұрау салуларда: сұрау салушы органның атауы, сұрау салынушы органның атауы, сұрау салу жіберілуге байланысты мәселе мәнінің қысқаша сипаттамасы, сұрау салудың пәні және оны орындауға қажетті мәліметтер көрсетіледі. Тараптар бір-біріне сұрау салуларды жазбаша түрде жібереді. Сұрау салуларға сұрау салушы органдардың басшылары қол қояды және елтаңбалық мөрмен қуатталады.

Кешіктірілмейтін жағдайда сұрау салулар артынша жазбаша растаумен телеграф, телетайп немесе факстық байланыс арналарымен жіберіледі. Сұрау салулар олар алынған күннен бастап бір айдан кешіктірілмей орындалады. Сұрау салуларды басқа ведомстволар мен мекемелерге жіберген жағдайда, сондай-ақ оларды орындауға кедергі жасайтын жағдайлар туралы сұрау салушы органға дереу хабарланады.

9-бап

Тараптар мемлекеттері заңдарының негізінде және өзара келісім бойынша кеден қызметтері қажет болған кездерде, олардың заңсыз айналымына қатысы бар тұлғаларды анықтау мақсатында есірткі құралдарының, психотроптық заттардың және прекурсорлардың бақыланатын жеткізілім әдісін қолданады.

Бақыланатын жеткізілім әдісін қолдану туралы шешімдер Тараптармен әрбір нақты жағдайда жеке қабылданады және қажет болғанда Тараптардың қаржылық шарттасуларын ескереді.

10-бап

Егер Тараптардың бірі келесі Тарап лауазымды тұлғасының контрабанда немесе кедендік ережелерді бұзушылық фактілері бойынша куә немесе сарапшы ретінде қатысуында мүдделі болса, онысы келесі Тарапқа тиісті сұрау салумен өтініш жасауға қ ұ қ ы б а р .

Мұндай сұрау салуды қанағаттандыру осы келісімнің 3 және 4 тармақтарымен р е т т е л е д і .

Тараптардың біреуінің лауазымды тұлғаларында келесі Тарап мемлекетінің аумағында болған мерзімінде өздерінің ресми өкілдіктерінің құжаттық растамасы болуы тиіс.

11-бап

Осы Келісімді пайымдауға және орындауға байланысты барлық даулы мәселелер Тараптар арасындағы кеңестер және келіссөздер жолымен шешіледі.

12-бап

Тараптар арасындағы хат жазысу орыс тілінде жүргізіледі.

13-бап

Тараптар осы Келісімді орындауға байланысты шығыстарды өтеу кінәраттарынан бас тартады, мамандардың жолсапарымен байланысты шығыстардан басқа.

14-бап

Осы Келісімнің ережелері Тараптардың басқа халықаралық шарттарға сәйкес қабылдаған міндеттемелерін қозғамайды.

15-бап

Осы Келісім Тараптардың бір-біріне дипломатиялық каналдар бойынша Келісімнің күшіне енуін қамтамасыз ететін қажет, мемлекетішілік рәсімдерді орындағаны туралы хабарлағаннан кейін күшіне енеді және 5 жыл бойы қолданылады, одан кейін, егер Тараптардың бірде-бірі тиісті мерзімге алты ай қалғанда осы Келісімнің іс-әрекеттерін тоқтату туралы өзінің ниетін жазбаша нысанда мәлімдемесе, ол автоматты түрде келесі 5 жылға ұзартылады.

2000 жылғы 13 маусымда Душанбе қаласында қазақ, тәжік және орыс тілдерінде жасалды, әрі бұл ретте барлық мәтіндер бірдей болып табылады.

Осы Келісімнің ережелерін түсіндіру қажет болған кездерде орыс тіліндегі мәтін негізге алынады.

Қазақстан Республикасы
Мемлекеттік кіріс министрлігінің
атынан

Тәжікстан Республикасы
Үкіметінің жанындағы Кеден

комитетінің атынан

М а м а н д а р :
Б а г а р о в а Ж . А .

Икебаева А.Ж.